

Сийрат дарслари (106-дарс). Зиқналиқдан сақланинг!



13:37 / 16.10.2020 3385

420. Абдуллоҳ ибн Умар розияллоҳу анҳумодан ривоят қилинади:

«Расулуллоҳ соллаллоҳу алайҳи вассаллам шундай хутба қилдилар: «Зиқналиқдан сақланинг! Албатта, сиздан аввал ўтганлар зиқналиқ туфайли ҳалок бўлишган. Уларни баҳилликка амр қилди, баҳиллик қилишди. Уларни алоқаларни узишга амр қилди, алоқаларни узишди. Уларни фожирликка амр қилди, фожирлик қилишди».

Абу Довуд, Ибн Ҳиббон ва Ҳоким ривоят қилишган.

421. Ҳориса ибн Ваҳб розияллоҳу анҳудан ривоят қилинади:

«Расулуллоҳ соллаллоҳу алайҳи вассалламнинг қўйидагиларни айтганларини эшитдим: «Садақа қилинглар. Бир киши садақасини олиб борса, уни берилган одам: «Агар кеча келганингда қабул қиласар эдим. Энди эса, менинг унга ҳожатим йўқ», дейди. Уни қабул қиласиган кимсани топмайди».

Бухорий ва Муслим ривоят қилишган.

422. Абдуллоҳ ибн Умар розияллоҳу анхұмодан ривоят қилинади:

«Расулуллоҳ соллаллоҳу алайҳи васаллам минбарда туриб садақани, иффатни ва тиланчиликни зикр қилдилар: **«Үстки қўл пастки қўлдан яхшидир. Үстки қўл нафақа қилувчи, пастки қўл сўровчи»**, дедилар».

Бухорий ва Муслим ривоят қилишган.

«Расулуллоҳ соллаллоҳу алайҳи васаллам» китобидан